



Universitätsbibliothek Paderborn

Conciliorum Omnium Generalium Et Provincialium Collectio Regia

Ab anno MCCCCXLVII. ad annum MDXXVII.

Parisiis, 1644

XXXIII. Libri de fide & moribus disserentes non imprimantur amplius, nec
alibi impressi vendantur: sine speciale dioecesanorum auctoritate &
permissione, qui eos prius visitent.

urn:nbn:de:hbz:466:1-15644

tiones concedantur , nisi pro graui causa : & ea cognita , se-
cundum formam iuris generalesque monitiones in forma
malefactorum , non decernantur pro iniuriis verbalibus ,
nisi forte atrocioribus : quarum distinctio arbitrio officia-
lium relinquatur. Quos nihilo minus diligenter & districte
monemus , vt omnino caueant ab illarum multiplicatio-
ne , ne in vilipendium & contemptum deducantur.

XXXII.

Statuimus & præcipimus , vt ad tollendas hæreses , quæ
magis ac magis (quod dolentes referimus) pullulant , diœ-
cesani iuxta sacrum generale Concilium , aut per se aut
archidiaconos seu alias honestas personas , bis in anno , aut
sæpius , si res ita postulauerit , parochiam , in qua fama fuerit
hæreticos habitare , circumeant : & ibi tres aut plures boni
testimonii viros , vel etiam , vbi opus fuerit , totam viciniam , iurare compellant , si quos ibidem hæreticos , vel al-
liqua occulta conuenticula celebrantes , vel a communi
conuersatione fidelium dissidentes , sciuerint : & quos sci-
uerint episcopis , seu eorum officialibus , indicare. Qui ve-
ro ex his iuramenti religionem obstinatione damnabili
respuentes iurare forte noluerint , hoc ipso tamquam sus-
pecti de hæresi reputentur , & contra eos tamquam hære-
ticorum fautores procedatur. Qui autem sic indicati fue-
rint , nisi se ab obiecto crimine purgauerint , vel si post
purgationem in pristinam lapsi fuerint perfidiam , canonice
puniantur.

XXXIII.

Quia hæreticorum mos est non solum sacram scriptu-
ram conuellere , ac relicto vero sensu ad suam phantasiam
contorquere : sed & sacros libros transferre , & in eisdem
libris ac sacrorum doctorum , scholia quædam & annota-
tiones marginales , sed depravatas adiicere , quo eam ,
quam pollicentur libertatem ob oculos obrudant simpli-
cium , eosque fallacibus errorum inuolucris quasi tenaci
visco inuoluunt , & in errorum labyrinthum coniiciant.
Inde est quod huius sacri Concilii auctoritate , ac de con-
sensu suffraganeorum nostrorum , prohibemus , ne deinceps
per prouinciam nostram imprimantur libri sacri aut
sanctorum doctorum , qui vel de fide aut moribus ecclie-
siasticis habeant tractatum , sine nostra suffraganeorum-

ANNO
CHRISTI
1527. que nostrorum per suas dioeceses speciali auctoritate & permissione. Contra facientes ipso facto sententiae excommunicationis subiaceant.

Et si qui sint tales libri seu in prouincia seu alibi impresi, prohibemus sub eadem excommunicationis poena, praedictos libros vendi vel publicari, sine nostra (vt prius) suffraganeorumve nostrorum permissione. Adiuentes sub praedictis poenis, quod eisdem libris non adiiciantur annotationes marginales qua hæresim sapiant, aut scandalosæ sint, ac piarum aurium offensiæ.

XXXIV.

Verum quia intelleximus libros nonnullos, scriptos lingua vernacula, impios & scandalosos, per nostram prouinciam enchiridii more, a quibusdam circumferri, & a laicis, pueris, ac mulieribus, interdum publice, aliquando occulte legi: qui etsi forte incertos habeant auctores, nemini tamen dubium est eos ex materia operis ab hæreticis & perditionis magistris prodiisse: de fratribus & coepiscoporum nostrorum consilio & consensu præcipimus sub excommunicationis poena omnibus & singulis, cuiuscumque status, conditionis aut sexus, vt si quos habuerint libros, fidem aut mores concernentes, a viginti annis citra in vulgari seu Latino sermone editos, eosdem ad dioecesanum suum confessim deferant: vt cum ab eo aut eius vicariis & commissis viisi fuerint sedulo & examinati diligenter, eorumdem librorum vel interdicatur vel permittatur lectio. Quorum quidem librorum, seu iam impressorum, siue posthac imprimendorum, si lectio permissa fuerit, addatur eisdem libris decretum episcopi, quo significet per se aut alios doctos & approbatos viros seipsum examinationem diligentem fecisse, ac tunc demum eorum publicationem permittere. Volumus autem hoc præsens tam utile tamque salubre statutum per singulas parochias prouincia nostræ ter aut quater in anno publicari.

XXXV.

Inuidens semper humanæ saluti zizaniorum fator diabolus, quod in agrum dominicum per se directere non potest, id nonnunquam per suos, quos possidet, cupiditatis igne succensos, exquisitis modis efficere conatur. Siquidem dum nonnulli prædicatores, quæstores, vel falso

Concil. Tom. 34.

Qqqq ij